



لؤيس المنجاوي - مصر

السؤال نفس السؤال
والكلام في الحلق واقف
نفسه يوصل للسان
بس الريق في الحلق ناشف
صعب

لما الوليد يفتكره الموت
قبل ما يصبح يوم إنسان
لما الحروف تقف في الحلق
قبل ما توصل أي لسان
الحروف تقف في الحلق
قبل ما تلحق تبقى كلام
لما الريح يصد الريح
لما القلب يتنه جريح
لما الحمام يطير م العش
وبالغش

يبقي الوش زي الوش
أيوه الوش زي الوش
والسؤال نفس السؤال
ياااه علي الأئين
والقلب الحزين
والناس اللي قادرة

وقلوب متحجرة
وسهام في القلب راشقة
فانت سنين وسنين
والضلمة في القلوب
كاسياها ضلمة
لا في يوم تتمد إيد
تمسح دمعة وليد
ولا آهة جوه قلب
تصرخ م الظلم آاه
آاه يا بلد
آاه ع الولد
يا اللي ظلمتم سنين
ظلم اتوارى ف قبور
من وسط قلب الليل
يطلع شعاع النور